



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Ad Lavdes.

urn:nbn:de:hbz:466:1-12077

AD LAUDES.

JEsu, tuorum gloria,
Quos muneras in patria,
Piis adesto cantibus,
Tuis favens cultoribus.

Omnem remitte noxiam,
Sancti per hujus gratiam,
Cujus colit perennia
Devota plebs solemnia.

Hic vana terræ gaudia,
Et ampla sprevit prædia,
Ut inquinata sordibus,
Nec digna sanctis cordibus.

Te, Christe, spectans jugiter,
Et te sequens fideliter,
Elusit artes dæmonum,
Labesque fugit criminum.

Fide fuit mirabilis,
Virtutibusque nobilis;
Jejuna gestans viscera,
Supra tulit se fidera.

Hinc te, Deus piissime,
Remunerans largissime,
Hujus favore poscimus,
Venire da, quò tendimus.

O præpotens Divinitas,
In unitate Trinitas,
Fac nos frui consortibus
Te confitentum cœtibus. Amen.

IN FESTIS SS. VIRGINUM.

AD VESPERAS,

& Matutinum.

J Esu, Corona Virginum,
Parens sacrorum germinum;
Cui nec pater, nec frater est,
Cui virgo soli mater est.

Qui vivis inter lilia,
Electus inter millia;
Sponsus decore nobilis;
Tonus tuis amabilis.

Quocunque te converteris,
Castâ cohorte cingeris:
Suo coruscant lumine,
Produnt suo se carmine.

Tu, spouse, J Esu, Virginum,
Motus doma cupidinum;
Sana salubri dexterâ
Corruptionis vulnera.

Summo